



## Universitätsbibliothek Paderborn

**Petri Petiti Philosophi & Doctoris Medici, Miscellanearum  
Observationum Libri quatuor**

**Petit, Pierre**

**Trajecti ad Rhenum, 1682**

Caput I. Ciceronis & Luciani de variis Philosophorum opinionibus censura  
expenditur. qualis in Philosophia exstiterit M. Tullius? De Romanorum illius  
aetatis ingenio & studiis, Caesaris Scaligeri & ...

**urn:nbn:de:hbz:466:1-13245**



P E T R I P E T I T I,  
PHILOSOPHI & MEDICI,  
MISCELLANEARUM  
OBSERVATIONUM  
LIBER QUARTUS.

---

C A P U T I.

Ciceronis & Luciani *de variis Philosophorum opinionibus censura expenditur. qualis in Philosophia extiterit M. Tullius? De Romanorum illius etatis ingenio & studiis, Cæsaris Scaligeri & Mureti judicium.*

**N**ota sunt r̄e c̄v ἀγίοις Augustini verba de Ciccone in libris confessionum: *Perveneram in librum cuiusdam Ciceronis, cuius linguam mirantur omnes, pectus non ita. Quibus verbis patrum ille cordatissimus indicat, multis tunc persuasum fuisse M. Tullium meliorem esse oratorem, quam philosophum. Credo etiam ( quæ fuit ejus gravitas ) ita etiam de se ipsum Ciceronem sensisse, ac præ se*

P 2 tulisse

tulisse, ut multis in aliarum disciplinarum atque artium cognitione, nedum philosophiæ, se inferiorem haberi æquo animo pateretur, unam modo sibi eloquentiæ laudem vindicaret. Noverat enim, non esse datum eidem homini in pluribus excellere. Quod hæc fuerit mens Ciceronis, indicant verba hæc in præfatione librorum de Officiis. Ibi filium sic alloquitur; *Sed tamen nostra legens, non multum a Peripateticis dissidentia (quoniam utriusque & Socratis & Peripatetici esse volumus) de rebus ipsis utere tuo iudicio: nihil enim impedio. Orationem autem Latinam profecto legendis nostris efficies pleniorum. nec vero hoc arroganter dictum existimari velim.* Nam philosophandi scientiam concedens multis, quod est oratoris proprium, apte, distincte, ornateque dicere, quoniam in eo studio etatem consumpsi, si id mihi assumo, videor id meo jure quedammodo vindicare. Ita ibi de se præfatur Tullius, more magnorum virorum & fiduciam magnarum rerum habentium. Nam levia ingenia, quia nihil habent, nihil sibi detrahunt. Libet enim hæc Cornelii Celsi verba, quibus Hippocratis errorem suum de futuris capitibus humani agnoscens generositatem laudat, hoc loco usurpare. Quam enim Cicero hic philosophiæ scientia aliis concedenda magnanimitatem ostendit, eam in proprio errore agnoscendo atque emendando, sat scio, præstisset, si aut ipse eum errorem videre potuisset, aut aliquem, qui sibi demonstraret, habuisset. Quapropter non linguam modo Ciceronis, ut multi, sed & peccus laudo, ac bonam mentem & sapientiam omni laude cumulati, & nunquam satis laudati viri amplectior ac veneror. Quod præfari visum est, ne quis hanc disputationem, quam in verbis ejus habiturus sum, a me hoc consilio suscep tam putet, ut quippiam ejus gloriæ vel in philosophicis detrahiam. Quod tamen si facerem, in philosophicis, inquam, virorum doctissimorum & ei amicissimorum exemplo tueri possem, nempe Julii Cæsaris Scaligeri,

ri, qui passim in *Exercitationibus*, Ciceronis in *philosophia* er-  
rores notat: *M. Anton. Mureti* in libris *Var. Lectionum*: *M.*  
*Antonii Majoragii*, cuius libri sex *Antiparadoxon* exstant,  
quibus ejusdem, in *Paradoxis* peccata in *Philosophiam* &  
*dialecticam* libere ac sine venia exagitat. Quod eos  
recto consilio fecisse arbitror, ne quis nimius *Ciceronis* ama-  
tor verborum elegantia deceptus eosdem errores auctorita-  
te ejus tueatur. nihil enim nobis veritate carius aut anti-  
quius esse debet. Et de his hactenus nunc propositum ag-  
gredior.

Exstat sententia hæc *Ciceronis* in præfatione libri primi de  
*Natura Deorum*, his verbis: *Res enim nulla est, de qua tan-*  
*topere non solum indocti, sed etiam docti dissentiant. Quorum*  
*opiniones cum tam variae sint, tamque inter se dissidentes, al-*  
*terum fieri profecto potest, ut earum nulla: alterum certe non po-*  
*test, ut plus una vera sit.* In hoc igitur mihi est negotium,  
quod negat fieri posse, ut earum opinionum plus una vera sit  
& tamen fieri posse omnino censet, atque affirmate pro-  
nuntiat, ut nulla earum vera sit. Primum etenim palam est,  
istud fieri posse, aut fieri non posse, utrumque in eadem quæ-  
stione & circa unam eandemque rem, de qua aliquid affir-  
matur aut negatur, spectandum esse. Alioqui de diversis,  
diversas esse opiniones simul veras nihil absurdum est, puta  
ignem calidum esse & animam immortalem: Hoc posito  
sic considero: in logicis hæc propositiones idem valent, sive  
ut loquuntur, æquipollent: *non possibile esse; impossibile esse.*  
*tum huic, impossibile est, ista, necesse est non esse.* Quare &  
hæc æquivalent: fieri non potest, ut plus una opinione vera  
sit; necesse est non esse duas opiniones veras; necesse est,  
unam tantum opinionem esse veram. Ex his sic disputo.  
cum palam sit, necesse esse circa eandem rem, unam tantum  
opinionem esse veram, quod & ipse *Tullius* fatetur, & per  
se manifestum est; hujus alia ratio afferri non potest, præter  
hanc, quia una alteram necessario excludit. Quare au-

tem excludit? profecto quia illi pugnat contradictione: velut ens non enti, & non ens enti. quod genus oppositionis *Aristoteles* in lib. de *Interpretatione* αντίφασιν vocat: Latini contradictionem. Ceterum quæ sic inter se pugnant, sequentur mutuo excludant: horum si unum verum, necesse est alterum esse falso, & vicissim, si unum falso, alterum esse verum. Non ergo fieri potest, quod *Cicero* ait, ut nulla earum opinionum vera sit. Quippe ex iis, quas ubi recenset, multas esse pugnantes αντίφασιν patet ex ipsis verbis: *Velut*, (inquit) in hac questione plerique (quod maxime verisimile est, & quo omnes duce natura vehimur) Deos esse dixerunt: dubitare se *Protagoras*: nullos esse omnino. *Diagoras Melius* & *Theodorus Cyrenaicus* putaverunt. Ponamus igitur hanc esse falsam ut est, quæ nullos esse Deos dicit: qui fieri potest, ut non sit vera illi opposita & pugnans: est aliquid Deus?

Nam quod *Cicero* iis, quibus nullos esse Deos dicunt, opponit, eos qui Deos in plurali esse affirmant, hoc nihil in præsens refert: Nam ponimus esse falsam, ut est, quæ nullos esse Deos scisciri quo posito nemo non videt sequi necessarij, ut hæc quæ contradictione opposita est, sit vera: aliquis est Deus. ut enim *Aristoteles* probat in tertio *Metaphysicorum*, contradictione oppositorum, nihil medium est: Λλλε μὴ δὲ μεταξὺ αντίφασεως εὐδέχεται εἰραι δέν. ἀλλ' ἀνάγκη, η φάνεται ἀποφάνεται εὐνοθεν ὑποτοῦ. Denique (ut quæ ibi ad hujus rei demonstrationem affert philosophus, omittam; neque enim præsentis instituti est hæc disputatio) adeo menti omni se lex hæc contradicentium adjungit approbatque, ut qui in ea re ambigat, insanus, & amens merito judicetur. Hoc enim negare nihil aliad est, quam vim destruere animi humani, & lumen rationis omne extinguere.

Sed &c in iis quæ sequuntur subest contradictione: *Quod vero maxime recta, cuiusunque continet, est, utrum nihil agant, nihil*

nihil moliantur, ab omni curatione & administratione rerum va-  
cent: an contra ab his et a principio omnia facta, & constituta sint,  
& ad infinitum tempus regantur, atque moveantur, in primisque  
magna dissensio est. Et paulo post; Sunt enim philosophi, &  
fuerunt, qui omnino nullam habere censerent humanarum re-  
rum procurationem Deos. Hæc una est pars contradictionis:  
altera in his quæ infra ibidem sequuntur: Sunt autem alii  
philosophi, & hi quidem magni & nobiles, qui Deorum mente,  
atque ratione omnem mundum administrari & regi censeant.  
Manifesta igitur appareat & in hac divisione contradictio:  
Datur providentia: non datur providentia, ac proinde  
harum alterutram posueris esse falsam, necesse est alteram  
ei oppositam esse veram. Falsum igitur, quod ait Cicero fie-  
ri posse, ut nulla earum opinionum sit vera. Simili halluci-  
natione lapsus est philosophorum hostis & insectator Lu-  
cianus in *Hermetimo*, sive de *Sectis*, & pariter arbitratus  
fieri posse, ut omnes philosophi mentiantur. Demonstra-  
tionem, qua sibi effectum putavit, adscriberè placet: Ita  
enim melius Sophistæ istius, & perditi nebulonis vanitas  
patebit. Latine autem, ut vertit interpres, adscribam: Sit,  
inquit, nobis certus aliquis numerus ex composito constitutus,  
nempe viginti. Nam si quis viginti fabas in manum sumeret, &  
ea clausa decem quospiam homines interrogaret, quotnam fabas  
in manus sua conclusas haberet: illi autem ducti conjectura, hic  
quidem septem, ille triginta, alter vero decem aut quindecim,  
prorsusque aliis aliud numerum divinaret: possibile enim est  
aliquem forte fortuna verum dicere; sed & hoc possibile, ut  
omnes ex æquo aliud aliud numerum dicat, falsum tamen & a  
quo longe lateque absit certus ille numerus, adeo ut nullus ex illis  
dicat virum in manus sua habere viginti fabas. Nos jam ostendi-  
mus, quasdam esse philosophorum opiniones sine medio in-  
ter se pugnantes & prorsus contradictoryas, quarum alteru-  
tram esse veram necesse est. Iste oppido sophistice & insci-  
te, ita arguit, ac si nulla in his omnino esse posset contradic-

Etio, sicut nulla est contradictio inter diversas numeri species, quas in exemplum ibi adducit. Sane in ea hypothesi fateor fieri posse, ut nemo eorum qui interrogantur, numerum fabarum manu contentum, nempe viginti, divinet. At si idem sic alios interrogaret, quem in manu numerum habeo, estne par, an impar? primus an compositus? ibi nemo non videt, necesse, quisquis respondeat, aut veram aut falsam responsonem dare.

Nos vero non dicimus omnes philosophorum opiniones, inter se comparatas, sic se habere, ut sit necesse aliquam ex his esse veram. Id enim iis tantum convenire censemus, quae contradictione opponuntur. Multæ autem sic se habent, ut numeri species diversæ. Tales arbitror veterum opiniones de summo hominis bono, quid sit videlicet quod hominem beatum reddat: tum quæ hactenus propositæ sunt de causa, quæ facit ferrum moveri ad magnetem. Non solum enim fieri potest? ut harum nulla sit vera; sed plane ita esse certo scio. Ad eundem modum harum opinionum de hominis fine ultimo & summo bono, quarum alia voluptatem corporis ejusmodi esse sciscit: alia indolentiam; alia opes; alia honores; alia virtutem; nullam esse veram certum est. Solus enim Deus homini cognitus, bonum ejus est summum & finis ultimus. At si ita queratur, omnesne homines fieri beati expectant, an prorsus nemo felix esse velit; ubi quæcumque responsio existat, aut falsam esse aut veram necesse est. Sicut duarum opinionum de anima humana, quarum una immortalem asserit, altera mortalem, necesse est alteram esse veram aut falsam; utraque ut sit falsa, fieri non potest. Difficile esse fateor utra sit vera, ita persuadere ratione in hac caligine humana, ut nullus amplius sit ambigendi locus: sed tamen oportere alterutram esse veram non ambigitur. Ita namque cogit ἀντιφάσεως ἀξίωμα, contradictionis lex & necessitas: ut Simplicius in comment.

ad

ad primum *Natur. auscultationis* loquitur. Cujus vis etiam apparet in omni legitima & adæquata divisione. hujus enim necesse est aliquam partem esse veram. Unde interdum divisio adhibetur in scientiis ad aliquam declarationem ejus, quod aliunde manifestum est per se; aut aliunde compertum, ut apud *Aristotelem*, cum multis aliis locis, tum in quarto libro, citatæ tractationis; ubi hanc divisionem instituit: Σχεδὸν γὰρ τέτλαρό ἐσιν, ὅν ἀνάγκη τὸν τόπον ἐν τι εἶναι· οὐ γὰρ μοξφή, οὐ διλη, οὐ διάσημά τι τὸ μεταξὺ τῶν ἔργων, οὐ τὰ ἔσχατα, &c. i. Quatuor enim ferre sunt, quorum necesse est unum aliquid esse locum: aut enim forma est, aut materia, aut spatiū aliquid medium inter extrema &c. Ex qua quidem divisione, quam ad propositum sufficientem & adæquatam censet, quid horum sit locus, ceterorum omnium remotione declarat. Hujusmodi syllogismum ἐν πλειόνων διαιρετικῶν dixere, Simplicio teste in commentario ad hunc locum: Οὐτι ἡ τύπος ἐσιν, (supple τὸ πέρας τῆς περιέχοντος &c.) ἐφεξῆς καὶ ἐν διαιρέσεως πειρᾶται δεικνύναι, καὶ χεῦται τῷ ἐν πλειόνων λεγομένῳ διαιρετικῷ ὄντι τοιάτῳ. οὐ τὸ α. οὐ τὸ β. οὐ τὸ γ. οὐ τὸ δ. &c. Non enim divisio ex se probat, quod ignotum est, ut neque inducito, sed quod aliunde notum est, aut per se manifestum, id exhibet & quasi oculis usurpandum manibusque palpandum subjicit. Est enim per se notum, duarum contradictionis partium oportere alterutram esse veram. Hanc igitur necessitatem ostendit divisio, ut in hoc syllogismo disjunctivo: quo *Aristoteles* utitur, initio capituli 2. lib. 1. *Physic.* Necesse est aut unum esse principium, aut plura: sed non est unum: ergo plura. Quæ eadem necessitas apparet in his disjunctivis; necesse est, aut omnino nullum esse Deum; aut esse aliquem Deum, qui sit causa & principium omnium rerum. Item: necesse est unum esse Deum, aut plures: Deum consulere rebus humauis: aut nullam esse providentiam. Atque hac dispu-

tatione sic *M. Tullium* erroris in proposita sententia convictum constrictumque tenemus, ut non sit defensioni aut provocationi locus. Non tamen continuo ausim cum *Scaligero* ob aliqua ejusmodi peccata pronuntiare universum Romanum forum philosophiae esse ignarum. viderit ipse. & *Muretus* qui lib. 6. *Var. Lect.* cap. 1. non absimili censura omnes veteris reipublicæ Romanæ proceres, tanquam sexagenarios de ponte dejicit: *Beati autem illi* (inquit) *& opulenti, & omnium gentium victores Romani, in petendis honoribus, & in prensandis civibus, & in exteris nationibus verbo componendis, re compilandis occupati, philosophandi curam servis aut libertis suis & Græculis esurientibus relinquebant.* *Ipsi quod ab avaritia, quod ab ambitione, quod a voluptatibus reliquum erat temporis, ejus si partem aliquam aut ad audiendum Gracum quempiam philosophum, aut ad aliquem de philosophia libellum vel legendum vel scribendum contulissent, jam se ad eruditionis culmen pervenisse, jam victam a se & profligatam jacere Gracium somniabant.* Tametsi & Maro sapiens vates, Quiritibus suis, ceterarum omnium disciplinarum atque artium gloriam abjudicare videtur, unam relinquere politicæ laudem, ac dominandi fastum, his scilicet versibus:

*Excedent alii spirantia mollius æra,*  
*Credo equidem, & vivos ducent de marmore vultus:*  
*Orabunt causas melius, cœlique meatus*  
*Deseribent radio, & surgentia sidera dicent.*  
*Tu regere imperio populos Romane memento,*  
*(Hæ tibi erunt artes) pacique imponere morem,*  
*Parcere subjectis & debellare superbos.*

Verum hæc non tantum in me valent, ut non semper *M. Tullium* in philosophorum illustrium numero habendum censem; tametsi ad *Platonis & Aristotelis*, eorumque, qui pressius eorum imperatorum vestigia secuti sunt, & ei soli curæ incubuerunt, summam haud quaquam adspirat.

spirat. Verum homini Romanum morem ambiendis & gerendis honoribus sequenti, publicisque negotiis assidue occupato, non levis gloria est, ad eam philosophiae peritiam, quam in libris ejus videmus, processisse: tot & tantas philosophorum quæstiones, & mente consequi & oratione explicare potuisse. In quibusdam lapsus est, fateor: & quis non? At in multis egregium præstat philosophum. Maxime, ubi stultas vulgi de Diis opiniones, in divinis illis de *Natura Deorum* libris explodit: Epicureos de principiis rerum & hominis bono delirantes castigat: Stoicos fatali necessitatibus cuncta alligantes in ordinem cogit. Quibus disceptationibus optime de philosophia meritum esse nemo non fateatur.

## CAPUT II.

*Alius Ciceronis locus, de sapientum otio, & vulgi vita occupata accuratius consideratur.*

**I**bet alium ejusdem locum proponere atque expendere, in quo nec Musas satis propriae habuisse videri potest. Cum scilicet in primo de *Officiis* libro, comparans officia, quæ ex hominum communitate ducuntur, cum iis quæ ex cognitione, haud obscure actionem, secretis studiorum præfert. Cum (inquit) *omnis honestas manet a partibus quatuor, quarum una sit cognitionis, altera communitatis, tertia magnanimitatis, quarta moderationis*: *hæc in diligendo officio sæpe inter se comparentur, necesse est. Placet igitur aptiora esse naturæ, ea officia, quæ ex communitate, quam ea quæ ex cognitione ducantur.* Item paulo infra: *Quibus rebus intelligitur, studiis officiisque scientia præponenda*